

MUP Kantona Sarajevo  
 Uprava policije  
 Depeša broj: 02- 46  
 Datum: 20.12.2018. godine

02/7  
 - 02/7 - 1  
 - 02/7 - 2  
 VDN  
 20.12.18 W

MINISTRU - za informaciju  
 URED POLICIJSKOG KOMESARA-šefu Ureda  
 SEKTOR UNIFORMISANE POLICIJE - načelniku  
 SEKTOR KRIMINALISTIČKE POLICIJE – načelniku  
 SEKTOR ZA POLICIJSKU PODRŠKU – načelniku  
 SEKTOR ZA PRAVNE, KADROVSKE, LOGISTIČKE POSLOVE,  
 EDUKACIJU I ANALITIKU-pomoćniku policijskog komesara  
 SEKTOR ZA MATERIJALNO-FINANSIJSKE POSLOVE-pomoćniku policijskog komesara  
 JEDINICA ZA PROFESIONALNE STANDARDE – načelniku  
 PRVA POLICIJSKA UPRAVA - načelniku  
 DRUGA POLICIJSKA UPRAVA- načelniku  
 TREĆA POLICIJSKA UPRAVA- načelniku  
 ČETVRTA POLICIJSKA UPRAVA- načelniku  
 PETA POLICIJSKA UPRAVA- načelniku  
 ŠESTA POLICIJSKA UPRAVA – načelniku  
 SEDMA POLICIJSKA UPRAVA – načelniku

V EZA : Depeša Uprave policije broj: 02-17 od 27.04.2018. godine

U narednom vremenskom periodu na području Kantona Sarajevo predstoji obilježavanje vjerskih i novogodišnjih praznika, te će se s tim u vezi održati i značajan broj manifestacija, na kojima se očekuje prisustvo velikog broja građana, kako iz BiH tako i inozemstva. Također, otvorena je i zimska turistička sezona, a predstoji i održavanje Evropskog omladinskog olimpijskog festivala (EYOF) na Olimpijskim borilištima na području Kantona Sarajevo. Rješenjima policijskog komesara formiran je Štab akcije „Javni doček Nove 2019. godine, obilježavanje vjerskih praznika i osiguranje drugih javnih skupova” i Štab akcije „EYOF 2019.”

Imajući u vidu aktuelnu sigurnosnu situaciju u zemlji, regionu i svijetu, kao i povećan broj migranata prisutnih na području Kantona Sarajevo, a u cilju očuvanja povoljne sigurnosne situacije, nalažem da sve organizacione jedinice Uprave policije Ministarstva unutrašnjih poslova Kantona Sarajevo intenziviraju provođenje mjera i radnji naloženih depešom, broj i datum veze, kroz realizaciju sačinjenih konkretnih akcionih planova rada, s jasno izdiferenciranim sigurnosnim prijetnjama i rizicima i precizno određenim poslovima i aktivnostima, posebno vodeći računa o sigurnosti vjerskih objekata, mjestima organizovanih proslava vjerskih i Novogodišnjih praznika i drugih javnih skupova, Olimpijskih borilišta i drugih lokaliteta na kojima je pojačano prisustvo građana.

Potrebno je ponovo izvršiti analizu dosadašnje realizacije planskih mjera i radnji, te u skladu sa novom procjenom stanja sigurnosti i analitičkim pokazateljima pojačati i uskladiti planske aktivnosti u skladu sa nadležnostima organizacionih jedinica, a sve u okviru strateških aktivnosti Uprave policije i njenih organizacionih jedinica (Strategija, Akcioni plan i operativni planovi).

Aktivnosti koje se odnose na spriječavanje bespravnog zauzimanja javnih površina po raznim osnovama (npr. pirotehnička sredstva) radi nedozvoljene prodaje, aktivnosti u skladu sa Planom interventnih mjera u slučajevima prekomjerne zagađenosti zraka u Kantonu Sarajevo, kao i druge aktivnosti u skladu sa nadležnostima Uprave policije provoditi koordinirano sa Kantonalnom upravom za inspeksijske poslove i nadležnim općinskim službama i drugim relevantnim subjektima.

Postoje procjene da će u narednom vremenskom periodu najvjerovatnije doći do povećanog priliva migranata na područje Bosne i Hercegovine, a da je Kanton Sarajevo područje kroz koje prolazi ili se zadržava najveći dio migranata, a činjenica je da su na području Kantona Sarajevo u funkciji prihvatni centri za migrante „Ušivak”, općina Hadžići i „Delijaš”, općina Trnovo u kojima se trenutno nalazi veliki broj migranata.

S tim u vezi, u skladu sa svojim nadležnostima, nastaviti zakonite aktivnosti prikupljanja operativnih saznanja o mjestima okupljanja migranata (prostori, stanovi i dr.), kao i o svim nezakonitim aktivnostima koje se odnose na boravak migranata na području Kantona Sarajevo, a čije prisustvo je pojačano na području Autobuske i Željezničke stanice u Sarajevu, u blizini velikih trgovačkih centara kojom prilikom migranti sve češće ispoljavaju nezakonita ponašanja u obliku, prosjačenja, drskih krađa i dr. sa elementima agresivnosti i nasilja. Pri provođenju aktivnosti ostvariti potreban nivo saradnje sa sudovima, tužilaštvima, Službom za poslove sa strancima, kao i sa prihvatnim centrima ukoliko isti postoje na području nadležnosti, te drugim vladinim i nevladinim organizacijama.

Obzirom na gore navedene aktivnosti i zadatke koji predstoje u narednom periodu, nalaže se rukovodiocima organizacionih jedinica da, prema vlastitoj procjeni, planiraju korištenje godišnjih odmora policijskih službenika u periodu od 20.12.2018. godine do 20.02.2019. godine.

Koristeći iskustva iz prethodnog vremenskog perioda, potrebno je da policijske uprave sačine posebne operativne planove za sprečavanje pojave nedozvoljene prodaje i upotrebe pirotehničkih sredstava, te nalažem da se u periodu od 15.12.2018. godine do 15.01.2019. godine, svakog petka, Sektoru uniformisane policije dostavljaju izvještaji o provedenim aktivnostima koji treba da sadrže: broj oduzetih pirotehničkih sredstava, broj izdatih prekršajnih naloga i broj podnesenih zahtjeva za pokretanje prekršajnog postupka i druge značajnije podatke.

Za realizaciju naloženih aktivnosti činim odgovornim rukovodioce osnovnih i unutrašnjih organizacionih jedinica.

Nadzor nad provođenjem naprijed naloženih mjera i radnji vršit će Odjeljenje za unutrašnji nadzor, koordinaciju i usmjeravanje Sektora uniformisane policije.

**POLICIJSKI KOMESAR**  
Generalni inspektor policije  
Mevludin Halilović

